

傷寒集驗卷之二

秀水陳文治輯

直中陰經附陰毒第二十七

此證惡寒乃裏惡寒不相類

三陰經血分自受寒不繇陽經而傳謂之直中陰經

蓋因

天時凜烈肅殺之氣結成寒毒漂渺流行人所不見偶其

人元氣素虛邪得乘虛而襲輕者自背俞穴漸入中少陰

之表故表鬱發熱間亦頭疼然不如陽證之熱為甚而肢

厥脉沉則為異也治宜麻黃附子細辛湯麻黃附子甘草

湯附子細辛湯辛黃三白湯腹痛手足清冷便閉者桂枝

加芍藥湯甘草乾薑湯理中湯有表復有裏者人參三白

湯或附子細辛湯但體認不真誤發陰經汗則下厥上竭



傷寒集驗卷之二

秀水陳文治輯

直中陰經附陰毒第二十七

此證惡寒乃裏惡寒與表惡寒不相類

三陰經血分自受寒不繇陽經而傳謂之直中陰經蓋因天時凜烈肅殺之氣結成寒毒漂渺流行人所不見偶其人元氣素虛邪得乘虛而襲輕者自背俞穴漸入中少陰之表故表鬱發熱間亦頭疼然不如陽證之熱為甚而肢厥脉沉則為異也治宜麻黃附子細辛湯麻黃附子甘草湯附子細辛湯辛黃三白湯腹痛手足清冷便閉者桂枝加芍藥湯甘草乾薑湯理中湯有表復有裏者人參三白湯或附子細辛湯但體認不真誤發陰經汗則下厥上竭

血從耳目口鼻中出而死中之甚者自鼻息而入初起無
頭疼身熱便惡寒厥冷或胸腹滿痛嘔利間有熱者乃虛
陽之氣外浮耳中太陰經者腹痛自利附子理中湯痛甚
者理中合小建中湯溺澀者理中合五苓散腹痛不大便
桂枝芍藥湯腹痛甚者桂枝大黃湯無脉者通脉四逆湯
使陰退而陽復也少陰口和背惡寒身痛虛渴或發熱脉
沉下利附子湯若下利清穀或咽痛脉微者四逆湯利不
止脉欲絕者白通湯無脉者白通加猪膽汁湯厥陰下利
小腹痛或消渴吐蛔者當歸四逆湯不獨寒氣可中也雖
盛暑之月亦有之其人夙有房勞過食冰冷之物元氣不
能勝寒氣從而腹痛胃口痛手足厥逆或中不正暴寒之

氣或過服寒藥所變大類陰證治法彷彿若非真寒證止
是傷於寒氣輕則吳茱萸湯重則理中真武湯之類若用
甘溫之劑兼補元氣於四君子湯中加熟附四五分血虛
用八味丸料可也若中寒毒或三陰病深亦變陰毒或誤
服寒藥或吐下後變而成者蓋以房勞損腎生冷傷脾內
已伏陰外又感寒內外皆陰陽氣暴絕以致手足厥冷過
於肘膝腰背強重戰慄踈卧頭眼眶痛嘔吐煩悶或口出
涎沫下利腹痛身如被杖六脉沉細湯飲不下毒氣漸深
入腹攻心咽喉不利腹痛轉甚心下脹滿結硬如石躁渴
欲死冷汗不止或時鄭聲指甲面色青黑謂之陰毒或唇
青舌黑或舌有白胎或卷强者用生薑頻擦唇口轉紅爲

吉陶節庵云速灸關元氣海服理中四逆以溫之庶陽氣
復而大汗解矣張仲景所敘陰毒證不過曰面目青身痛
如被杖咽喉痛五日可治七日不可治而已所治之方但
升麻甘草當歸鱉甲不用大溫大熱之藥是知陰毒者非
陰寒之類乃感天地惡毒異氣而成入於陰經故曰陰毒
似與陶節庵所敘陰毒爲異後人用正元散入退陰散五
分同煎或五勝散正陽丹白朮散還陽散返陰丹病已深
者川烏散要之不外乎以熱治寒與仲景方意則大懸絕
也或灸氣海關元二三百壯以手足溫爲効仍服金液丹
來甦丹等藥

風溫第二十八

節庵云素傷於風又傷於熱風熱相搏即爲風濕其脉寸俱浮其證四肢不收身熱自汗頭疼喘息發渴昏睡或體重不仁仲景云陽脉浮滑陰脉濡弱更過於風變爲風溫乃春溫太陽病已發汗後宜身涼也而猶灼熱昏昏欲眠四肢緩縱相似癰瘕鼻息不利語言蹇澁身重汗出是也治惟手少陰足厥陰二經若再發汗必譫語煩躁目無精彩加溫鍼則耳聾口難言微發黃色火燠之則危下之則大便泄但宜清解肌表用葳蕤湯人參敗毒散葛根龍膽湯小柴胡湯選用未醒者柴胡桂枝湯發汗已身猶灼熱知母葛根湯渴甚括萎根湯脉浮身重汗出漢防已湯誤汗風溫防已黃耆湯救之痰喘者金沸草散加杏仁細

辛五味子 譫語獨語及直視遺尿者難治

中濕第二十九

中濕者乃居諸卑下或時方濕盛鼻聞薰蒸之氣口飢水
冷之物皆能感襲於人其脉沉而緩濕在經則日晡發熱
鼻塞濕在關節則一身盡痛發熱汗出背強覆被時欲烘
火濕在臟腑則小便不利大便反快舌上白胎濕熱相搏
則遍身黃如燻色輕則面目微黃此皆中濕之候也誤下
則噦誤汗則發瘥而死惟利小便爲佳宜五苓散若小便
自利术附湯小便不利大便快甘草附子湯身痛鼻塞者
黃耆建中湯中氣堅滿癰閉者枳朮湯加葶藶若成濕痺
則關節痛而煩大便泄小便不利猪苓湯濕勝者胃苓湯

倍加蒼朮若一身盡痛發熱身黃頭汗茵陳五苓散內執
煩渴欲飲水入口即吐者五苓散丹田有熱舌上白胎大
小便不利煩渴發黃茵陳湯身重汗出惡風骨節痛防已
黃耆湯無汗者五積交加散仲景云渴欲得飲而不能飲
乃口燥煩也若下之額上汗出微喘小便利者死若下利
不止者亦死其身煩疼與麻黃加朮湯發汗爲宜慎不可
以火攻

風濕第三十

仲景云先中於濕復中於風風濕相搏此名風濕其脉浮
其證肢體腫痛不能轉側額上微汗惡寒不欲去衣大便
難小便便利熱至日晡而劇治法宜微解肌若發汗則其氣

暴而內邪不能出故風去而濕存濕流入裏則病重微汗則其氣緩而內外之邪俱去雖濕去而風未去者不久自解故宜用羌活沖和湯仲景用麻杏薏甘湯脉浮身重汗出惡風者防已黃耆湯甚則梔子附子湯喘者加麻黃胃中不和者加芍藥氣上衝者加桂枝下有沉寒者加細辛咽渴小便不利者五苓散體痛發熱小便不利麻黃湯加蒼朮肩背脊腰強痛者羌活勝濕湯腫痛微喘杏仁湯汗多漢防已湯虛者身重難以轉側桂枝湯加白朮外不熱內不渴小便利朮附湯緩弱昏迷腹滿身腫自汗失音下利不禁白虎湯加白朮去甘草身腫痛微喘惡風杏仁湯熱而煩渴者小柴胡加天花粉若誤下之小便必不利五

苓散小便不利一身盡痛發黃大便快茵陳五苓散身痛
小便不利者甘草附子湯身重走痛者小續命湯去麻黃
附子大小便俱利無黃者朮附湯身痛鼻塞小建中湯加
黃芩熱而重痛煩渴者敗毒散去柴胡人參加瓜蒌根若
春夏秋三時用蒼朮葛根湯汗之汗多用防已黃耆湯如
不嘔不渴脉虛浮瀉惡風不欲去衣骨節煩痛不得屈伸
汗出短氣小便不利或身微腫甘草附子湯若傷寒八九
日風濕相搏身體疼痛不能自轉側不嘔不渴脉浮虛而
瀉桂枝附子湯若大便堅小便自利去桂加白朮小便自
利及下利不止者死

濕溫第三十一

傷寒集解 卷二
素傷於濕復中於暑濕熱相搏名爲濕溫其脉寸濡而弱
尺小而急其證胸腹滿目痛壯熱妄言自汗兩脛逆冷倦
怠惡寒甚則遍身亦冷若發其汗使人口不能言耳不能
聞不知痛處身上發青面色亦變惡寒益甚謂之重暍必
死之候治在手少陰足太陰二經宜用茯苓白朮湯濕勝
溺澀便利者五苓散除濕湯暑勝壯熱二便澀者香茹散
六和湯若濕溫在太陰蒼朮白虎湯加桂濕氣勝一身盡
痛發熱身黃小便不利大便快五苓散加茵陳臟虛自利
附子理中湯便閉口渴譫語者蒼朮白虎湯

陽盛拒陰陰盛格陽第三十二

夫證熱爲陽證寒爲陰人固知之病人身寒厥冷孰不白

陰證也而其脉洪數按之鼓擊於指下非真寒也乃陽盛
於內拒陰於外宜三黃巨勝湯或用承氣湯下之病人身
無大熱煩躁不安欲風而不欲飲水或漱水而不下嚥者
似乎陽證也而其脉細按之不鼓擊非真熱也乃陰盛格
陽用霹靂散渴者不與若面赤煩躁不渴或渴不欲飲水
脉七八至按之不鼓薑附等湯主之傷寒例云面少赤陰
盛於內格陽在外其病必重用通脉四逆湯正合仲景之旨

大頭瘟第三十二

大頭瘟者亦時行疫癘又名大頭傷寒又名鸕鷀瘟又名
雷頭風西北人稱爲粗脖子傳染殺人甚於他疾其病始
於少陽乃陽明邪熱太甚以資少陽相火故先發必在兩

耳前後傳之陽明則首面大腫兩眼俱合再傳太陽直至顛頂頭如斗大名爲逆傳蓋緣濕熱爲腫木盛爲痛用藥不可不早服藥不可太急急則藥過於病上熱未除中寒已作未死於熱先殞於寒矣如病在少陽用小柴胡加炒黃連炒鼠粘子荷葉名清震湯食後緩緩呷之耳中膿出而消病在陽明用酒炒芩連甘草煎成少少頻服再用酒煨大黃新瓦上炒鼠粘子加芒硝等分煎成亦細細呷之得微利而邪氣漸退如不已少陽渴者加瓜蒌根陽明渴者加石膏仍用升麻葛根芍藥引經太陽加羌活防風荆芥與芩連鼠粘子之類同用文治嘗於壬午春因三輔軍民染此甚多惟用東垣普濟消毒飲刊布各處獲効者什

九但宜用之早而服之緩也

太陽經變證第三十四

寒邪初入人也足太陽膀胱經受之其脉起於目内眦上額交巔其支者從巔至耳上角其直者從巔入絡腦還出別項循肩膊内俠脊抵腰中入循膂絡腎屬膀胱其支者從腰中下俠脊貫臀入臍中其支者從膊内左右别下貫胛俠脊内過髀循髀外從後廉下合臍中以下貫腓内出外踝之後循京骨至小指外側次注足少陰夫膀胱爲表之表從本則膀胱經屬寒水司冬月之令故惡寒從標則在表主陽故發熱行身之後故頭疼脊强項直腰身痛然有傷榮衛之別寒傷榮血表實無汗體必畏寒其脉浮緊



傷寒集解
風傷衛氣表虛自汗體必畏風其脉浮緩皆左寸爲甚冬
至之後春分之前無汗必用麻黃湯有汗必用桂枝湯春
分之後陽氣漸盛槩用羌活冲和湯有汗則去蒼朮而加
白朮夏月無汗則用神朮湯有汗亦用加減冲和湯若夫
爲溫爲熱詳見別條本經或汗或吐或下又悉下款學者
次第玩之

禁忌

太陽證小便不利不可便利利之是謂犯本犯本則邪氣
入裏不能解此犯之輕也故五苓散不可妄用若動大便
謂之動血此犯之重也表在而下又犯之重者也結胸之
證繇是而成焉夫五苓散爲太陽裏證之下藥東垣曰太

陽高則汗而發之下則引而竭之竭者邪入太陽之本下
之而使從膀胱出若當服不服則穀消水去形亡必就陽
明燥火戊胃發黃故有調胃承氣湯證此太陽之本未下
也不當服而服之是爲犯本小便強利津液重亡侵陽之
極則侵陰而成血證輕則桃仁承氣湯重則抵當湯故五
苓散爲太陽陽明之間調和陰陽之劑也其所謂本者有
二說焉以主言之膀胱爲本經絡爲標以邪言之先得爲
本後得爲標者寒毒之氣從手太陽小腸而入是標先受
之標卽爲本也後入於膀胱反爲標也故用五苓散相引
而下入於本道以出邪氣用之失宜其害又如此可不慎歟
可汗

服桂枝湯大汗出脉洪大者再服桂枝湯若形如瘧一日再發汗出而解用桂枝二麻黃一湯若似瘧而脉浮洪桂枝湯脉不浮或汗下後面赤及有熱者乃榮衛不行身必發痒桂枝麻黃各半湯或羌活湯加減用之若服藥已微愈煩躁目瞑劇者邪氣循經上攻必衄乃解所以然者陽氣重故也衄後脉浮緩太陽證猶在者冬月宜麻黃湯汗之他時只用羌活湯川芎湯蘇葛之類若六七日不大便小便清者宜汗至八九日脉洪大熱多寒少如瘧狀每日一二發不嘔清便自調者桂枝各半湯若發汗過多腠理開泄汗漏不止四肢拘急難以屈伸則成痙不當汗而汗之亡其津液其邪擾陽之極則侵乎陰故燥血畜於胸中